

ARUBA

Lamentor profundus
esta un dolor
pa supera bo mes
cuanto molester
pa presta atencion
bo famoso ‘humildad’
ta stroba bo di crece
expande bo mente
bira conciente
esta un dolor
pa haci un fabor
cuanto molester
pa ta corecto
bo respetabel ‘dignidad’
ta stroba bo di distingui
entre egoismo
y egocentrismo
esta un dolor
tanto kehamento
ki molester
duna balor
na yiu di tera
bo materialismo ‘culto’
ta haci bo sucumbi
entrega bo herencia
bo ta bende
bo cultura
cambia originalidad
pa un supuesto label
‘made in Aruba’
aplaudiendo y
apreciando
mediocridad di yiu di afo
carga den teblachi
contaminacion ta den
aire polucion den mi
oido
sapato di hilchi fini
shimis sin carcas
ta presenta
‘arte di silencio’
escultura di asphalt
sordo sin palabra
sin poder den fondo
eherciendo e musculo
cerebral
historia ta sigui su curso
ehemplar polifacetico
cu virtuosidad virtual
ta competi contra otro
admirabel prestacion
contradiccion di
tradicion
discurso fofo
pa tuma bo haci
te laga bo kens
y pone bo drumi
‘riba sero di biento’
mientras caos
ta celebra yen di kenshi
defuncion di bo

consenshi
‘digno, culto y humilde’
Pueblo di Aruba
no molestia pa bo no
keha
sigui drumi sosega na
pas
morto na bida
boca keto
keto
keto
Nos ta lamenta cu
despues di entiero
no ta ricibi bishita di
condolencia na cas

Gwendy Sneek
Februari ‘08